


273 Q.7

273 Q.7













273
Q7











HAERETICORVM
Catalogus, & historia

QVALEM GRATIANVS

POST ISIDORVM DIG-

gessit in Can. Quidam autem.

xxiiij Quæst. III.

J. Quinten, called Haduus



PARISIIS,

Apud Andream Wechelum, sub Pegaso, in
vico Bellouaco: Anno Salutis,

1560.

77061



IO. QVINTINVS HÆDVVS, SACRORVM

DECRETORVM DOCTOR,

Auditoribus Christianis in
Christo Iesu Salutem.



*C*ATHOLICI perquàm multi
viri de singularibus Hæresiar-
chis, & Hæresibus eorundem
singulis, varios tractatus edi-
derunt. Non ut impios cele-
brarent, aut ediscendas orbi proponerent insa- Psal. 39.
nias falsas. Verùm, quàm mente diligentes, ac fi-
di Medici morbos diversos, & origines, cau-
sasque morborum describunt hominibus, non in
laudem morborum, sed ut egrotantes egrotare
se sciant, ac fateantur (quæ sanitatis futura spes
est maxima) nec non remedia querant, & inde
facilius curètur: Sic etiam de nostra omnium sa-
lute valde quàm solliciti, piissimi patres, & in
Ecclesia nostri Pastores, atq; maiores, hoc ipsum
disponente Deo, non fmissiones tantùm per Psal. 77.
Angelos malos, sed ipsos pariter Angelos ma-
los, nobis ad cautionem demonstrarunt. Hære-

A ij

seis (puta) simul & Hæretico indicarunt.

Doctores
aliquot Ec-
clesiastici,
qui sui tem-
poris Hære-
ticorū con-
texuerunt
Elenchos.

*Christianorum (quem sciam quidem) do-
ctorum primus Irenæus, in regionibus Rhoda-
ni Gallici (gracè tamen) scribens, ad vsque se-
culum suum, circiter annum Do. 180. Hære-
ticos, qui fuerant, nominatim seriatimque de-
signauit, eius primo de Hæresibus libro. Maxi-
mè à cap. 20. ad libri conclusionem. Quem
mox Tertullianus insequutus est, omnino simi-
lia prodens in Aphrica Anno Do. circa 200.*

*Longò post interuallo (medios nullos recor-
dor) Epiphanius, Episcopus Constantie Cypri,
Anno Do. 377. grande volumen adidit, am-
plissimam continens Hæreseon, & Hæretico-
rum omnium nomenclaturam: quod ab ea re,
παναρειον, ἢ κιβωτιον, inscripsit, hoc est, Panarium,
vel Arcula, ubi cunctæ clauduntur Hæreses.*

*Haud multum diuerso tempore (si non eo-
dem) circiter An. Do. 390. Philastrius Bri-
xiensis episcopus, Ambrosij Mediolanensis con-
sors & amicus, opusculum scripsit De omni-
bus Hæresibus, plerisque tamen anonymis. In
quarum numero male conuenit ei cum Epipha-
nio. Nam post Christi passionem, Sexaginta
duntaxat*

duntaxat hic numerat Hæreseis. Atqui Philastrius centum & viginti octo recenset.

Augustinus utrumque citat, Epiphanium tamen existimās doctiorem, in libro, quem scripsit De Hæresibus, ad Quoduultdeum, Carthaginensem diaconum To. 6. referens Hæreseis octo solas & octoginta. Nonnihil admiror, cur Irenæi, atque Tertulliani non meminerit Augustinus: qui duo ducentis plus annis antea tractarant hoc argumentum. Sed etiam miror, quem legerit Augustinus Epiphanium: certè non nostrum, sed alium prorsus: quum dicat eum, sex admodum breves libellos de octoginta Hæresibus scripsisse, in quibus pro veritate contra falsitatem non disputet. Imò, prolixissimus est Epiphanius: Hæresimq; nullam relinquit irreprehensam, & non plenè confutata, Serpentū gaudens & Hæreseon frequentissimis collationibus. Illud insuper Epiphaniij Panariū (sicut est in codice græco) libros tres tantum continet, ac Tomos, siue Sectiones septem, quæ non est Augustini partitio, quem solummodo legisse verisimile est Epitomen quāpiam Tomorum Panarij.

Theodoretus Episcopus Cyri, cuius magna

laus est in Ecclesiastica historia, quam libris quinque digessit per annos cētum quinque: scripsit insuper libros quatuor, De fabulis Hæreticorum: singulos nominatim notans Hæresiarchas. Epiphaniij certè temporibus, aut paulo post Epiphanium, cuius tamen non meminit.

Anno postea Christi circiter 630. Isidorus Ispalēsis Episcopus (ea ciuitas est vltioris Hispaniæ, seu Beticæ, nunc Seuilla) quum suis Etymologiis nihil non infarciret, Hæresiarcharum quoque, simul & Hæresum nomina septuaginta solum compegit in caput quintum libri octauī, quod Græianus in *Questionem tertiam Causæ vigesimæ quartæ* transtulit integrū sicut hīc habetis.

Deinde, Joannes presbyter Damascenus, anno Do. circiter 740. aut 50. librum de Hæresibus composuit: in quo describit Hæreseis octoginta tres, aut quatuor: inter quas, Hæresin Mamedij (qui fuit Agarenorum propheta) reponit. Machumetes, ac Turcæ postea sunt appellati.

Vetustiores istis, qui singulatim, unum post alium, perstrinxerint Hæreticos omnes, & enumerationem

merationem talium conscripserint, equidem non legi. Scio quòd Eusebius, Hilarius, Hieronymus, Arnobius, Vincentius Lyrinensis monachus, & alij sancti Patres plurimi, scripserunt aduersus Hæreticos, & prophanas Hæreseon nouationes, alio tamen argumento sibi proposito. Nam, seruit alter historia. Pugnat unus in Arium. Luciferianos, & Pelagianos contundit alius. Ille omnes in uniuersum detestatur Hæreseis. Hic specialiter unam. Sed, qui singularum nomenclator extiterit, ordine iam dicto, non est aliquis mihi visus, præter antiquiores illos nominatos. Et si non dubitem multos alios esse. Diuus Augustinus in fine libri sui ad Quoduultdeum, se dicit audiuisse Hieronymum scripsisse de Hæresibus: sed (ait) opusculum, nec in nostra bibliotheca inuenire potuimus, nec unde possit accipi, scimus. Neque liber nunc extat.

Quos recentioribus annis imitati sunt aliquot sanè pij, docti, religiosiq; viri: de quibus duos tantummodo legi, neque sine zelo, neque sine scientia scriptores (Contemporaneos credo fuisse) Fr. Bernardum Lutzemburgum, Dominicanum, & Fr. Alphonsum de castro Za-

morenses, Franciscanum, quorum labores in publicum prodierunt, alterius anno Do. 1524. Alterius 1534. Vincetius, vulgo dictus Beluacensis, in historiali suo speculo passim cuiusque seculi memorat Hæreticos, quod aliquoties facit & Ioannes Gerson. In his tamen series nulla continua est, ut enim locus exigebat, sic eos denominabant. In aliis ordo perpetuus est.

Non dubito plures istius argumenti tractatores extare, qui citantur & a prædictis: sed illis contentus, quos habeo penes me, conabor hanc historiam totam facilem vobis, & apertam, nec minus utilem, quam iucundam reddere. Dominus Deus noster Saluator IESVS CHRISTVS adiuvet conantem: Vosque in re salutis vestra prælectori vestro benevolos & attentos faciat: & in sua religione conseruet incolumes ab istis omnia iam contaminantibus & inficientibus, quin & interficientibus pestibus.

Amen.

Ex Decretorum scholis, in sacunda sanctorum studiorum parente, Parisensi universitate, sabbati die decimo nono mensis Octobris 1560. Postridie sancti Evangelistæ Lucae quò solemus ad ordinarias nostras Ecclesiasticorum Decretorum prælectiones, post Autunnales ferias, redire.

I Ode sine commentu for

ad quod voluerit perire manu

ad quod voluerit perire manu

A decorative woodcut border featuring a central face with an open mouth, surrounded by symmetrical floral and foliate patterns. The design is highly detailed, with intricate scrollwork and leaf motifs. The central face appears to be a stylized, possibly demonic or grotesque, figure with a wide-open mouth, set within a circular frame. This central element is flanked by symmetrical, swirling foliate patterns that extend to the edges of the border. The overall style is characteristic of 16th-century European book ornamentation.

DE HAERESIBV

CHRISTIANORVM.

SIMONIANI, dicti à Simone, magi-

Apostolorum maledixit, pro eo quod ab
A. A. Spiritus sancti gratiam pecuniâ

Deo, sed à virtute quadã superna creatam.

MENANDRIANI, à Menãdro ma-

dum non à Deo, sed ab Angelis factum esse

*...intra septem annos quatuordecim milia
ducentis et octo capitulis vendendi, cum non*

una celestia fuit. Quod cumque in terra est, idem est in caelis.

[Faint handwritten text at the bottom of the page]

cisionem obseruant: mille annos post resurrectionem in voluptate carnis futuros prædicant. Vnde & græcè *χλιάσαι*, latinè Mille-narij sunt appellati.

N A Z A R Æ I, dicti, quia dum Christum (qui à vico, Nazaræus est appellatus) filium Dei confiteantur: omnia tamen veteris legis custodiunt.

O P H I T Æ, à colubro nominati sunt. Coluber enim græcè *ὄφις* dicitur. Colunt enim serpentem, dicentes ipsum in Paradiso induxisse Virtutis cognitionem.

V A L E N T I N I A N I, à Valétino quodam Platonico sectatore vocati: qui *αἰῶνας*. i. Secula quædam, in originem Dei creatoris induxit: Christum quoque de Virgine nihil corporis assumpsisse: sed per eam, quasi per fistulam, transisse asseruit.

A P E L L I T Æ, quorum Apelles princeps fuit: qui creatorem Angelum nescio quem gloriosum superioris Dei, faciens Deum legis Israël: illum igneum affirmant, qui

Dixit etiam Christum, non Deum in Veritate, sed hominem in Phantasia apparuisse.

ARCHONTICI, à Principatibus appellantur: qui Vniuersitatem, quam Deus cōdidit, opus esse Archangelorū defendūt.

ADAMIANI, vocati quòd Adæ imitentur nuditatem, vnde & nudi orant: & nudi inter se, Mares, Fœminæq; cōueniunt.

CAINANI, proinde sic appellati: quoniam Cain adorant.

SETHIANI, nomen acceperunt à filio Adam, qui vocatus est Seth. Dicentes eundem esse Christum.

MELCHISEDECHIANI, vocati pro eo, quòd Melchisedech sacerdotē Dei, non hominem fuisse, sed Virtutem Dei esse arbitrantur.

ANGELICI, vocati quòd Angelos colunt.

APOSTO-

APOSTOLICI, hoc sibi nomen ideo præsumpserunt, quòd nihil possidentes proprium, nequaquam recipiant eos, qui in hoc mundo vtuntur aliquo.

CERDONIANI, à Cerdone quodam nominati: qui duo contraria principia asserunt.

MARCIONITÆ, à Marcione Stoico philosopho appellati: qui Cerdonis dogma sequutus, alterum Bonum, alterum Iustum Deum asseruit: tanquam duo principia, Creationis, & Bonitatis.

ARTOTYRITÆ, ab oblatione vocati. Panem enim, & Caseum offerunt: dicentes à primis hominibus oblationem de fructibus terræ, & de fructibus ouium, fuisse celebratam.

AQVARI, appellati, eò quòd Aquam solam offerunt in calice sacramenti.

SEVERIANI, à Seuerio exorti: vinum non bibunt: vetus testamentum, & Resur-

rectionem non recipiunt.

TATIANI, à Tatiano quodam vocati: qui & Encratitæ dicti: qui carnes abominantur.

ALOGII, vocatur tanquam sine verbo. λόγος enim græcè, latinè Verbum dicitur. Deum enim Verbum esse non credunt: respuentes Ioannis Euangelium, & Apocalypsin.

CATAPHRYGIS, nomen prouincia Phrygia dedit: quia ibi extiterunt. Authores eorum, Montanus, Prisca, & Maximilla fuerunt. Hi aduentum sancti Spiritus, non in Apostolos, sed in se, traditum asserunt.

CATHARI, propter mundiciam ita se nominauerunt. Gloriantes enim de suis meritis, negant pœnitentibus veniam peccatorum. Viduas, si nupserint, tanquam adulteras, damnant. Mundiores se cæteris prædicant. Qui nomen suum si cognoscere vellēt, Mūdanos se potius, quàm Mundos vocarēt.

PAVLIANI, à Paulo Samosateno ex-
orti

orti sunt : qui dixit non semper fuisse Christum, sed à Maria sumpsisse initium.

HERMOGENIANI, ab Hermogene quodam vocati: qui Materiã non natam introducens, Deo non nato eam comparauit, matrẽque elementorum, & Deam asseruit: quos Apostolus improbat, Elementis seruientes. Ad Galat.
Cap. 4.

MANICHÆI, à quodam Persa extiterunt, qui vocatus est Manes. Hic duas Naturas & substantias introduxit. Id est, Bonã, & Malam: & Animas ex Deo, quasi ex aliquo fonte, manare asseruit: Testamentum vetus respuit, Nouum ex parte recipit: *Ἀνόμος* græcè, id est, latinè, Sine lege, dicuntur.

ANTHROPOMORPHITÆ, dicti pro simplicitate rustica. Deum habere humana membra, quæ in diuinis libris scripta sunt, arbitrantur. *ἄνθρωπος* enim græcè, latinè Homo interpretatur: ignorãtes vocem Domini: qui ait: Spiritus est Deus. Incorporeus est enim, nec membris distinguitur, nec corporis mole censetur. Ioan. Cap.
4.

HERACLITÆ, ab Heraclio authore exorti. Monachos tantum recipiunt: coniugia respuunt: regna cœlorum paruulos habere non credunt.

NOVATIANI, à Nouato Romæ vrbs presbytero exorti. qui aduersus Cornelium cathedram sacerdotalem conatus inuadere, Hæresim instituit: nolens Apostatas suscipere, & rebaptizans Baptizatos.

MONTANI, hæretici dicti, quòd tempore persecutionis in montibus latuerunt: quâ occasione, se à catholicæ Ecclesiæ corpore diuiserunt.

HEBIONITÆ, ab Hebione dicti, siue à Paupertate. Christum enim per profectum solum, Virum iustum putant effectum. Vnde competenter Hebionei, pro paupertate intelligentiæ, appellati sunt. Hi Semiiudæi sunt: & ita tenent Euangelium, vt legem carnaliter seruent: aduersus quos ad Galatas Apostolus scribens inuehitur.

PHOTINIANI, à Photino Gallogreciæ Smyinæ

Smyrnæ episcopo nuncupati : qui Hebionitarum Hæresin suscitans asseruit Christum à Maria per Ioseph nuptiali coitu fuisse conceptum.

A E R I A N I, ab Aërio quodam nūcupati sunt. Hi offerre sacrificium, pro defunctis spernunt.

A E T I A N I, ab Aëtio sunt vocati. iidemque E V N O M I A N I, ab Eunomio quodam dialectico, Aëtij discipulo : ex cuius nomine magis innotuerunt : dissimilem Patri asserentes Filium : & Filio Spiritum sanctum. Dicunt etiam nullum imputari peccatum in fide manentium.

O R I G E N I A N I, ab Origene authore exorti sunt : dicentes quòd non possit Filius videre Patrem : nec Spiritus sanctus Filium. Animas quoque in mundi principio peccasse dicunt : & pro diuersitate peccatorum è coelis vsq; ad terram lapsas diuersa corpora, quasi vincula, meruisse, eaque causâ factum fuisse Mundum.

NOETIANI, à quodam Noëto vocati: qui dicebant Christum eundem esse & Patrem & Spiritum sanctum: ipsamq; Trinitatem in officiorum nominibus, non in Personis accipiunt. Vnde & Patripassiani vocantur, quia Patrempassum dicunt.

SABELLIANI, ab eodem Noëto pululasse dicuntur: cuius discipulum perhibēt fuisse Sabellium: ex cuius nomine maximè innotuerūt. Vnde & Sabelliani vocati sunt. Hi vnā personam Patris, & Filij, & Spiritus sancti astruunt.

ARIANI, ab Ario Alexandrino presbytero orti sunt: qui coëternum Patri Filium non agnoscens, diuersas in Trinitate substantias asseruit, contra illud, quod ait Dominus: Ego, & Pater, vnum sumus,

Io. cap. 10.

MACEDONIANI, à Macedonio Constantinopolitano episcopo dicti sunt: negantes Deum esse Spiritum sanctum.

APOLLINARISTÆ, ab Apollinare vocati sunt: dicentes Christum corpus tantum-

tantummodo sine anima suscepisse.

ANTIDICOMARITÆ, appellati sunt, pro eo quod Mariæ virginitati contradicunt:asserentes eam post Christum natum, viro suo commixtam fuisse.

METANGISMONITÆ, ideo tale nomē acceperunt, quòd ἄγγος græcè, Vas dicitur. Afferunt enim sic esse in Patre Filium tanquam Vas minus intra vas maius.

PATRICIANI, à quodā Patricio nuncupati sunt: qui substantiam Humanæ carnis à Diabolo conditam dicunt.

COLINTHIANI, à quodam Colintho nominati: qui dicunt Deum non facere malum: contra illud quod scriptum est: Ego Dominus creans mala. Esa. cap. 45.

FLORIANI, à Florino: qui è contrario dicunt Deum creasse mala: contra id, quod scriptum est: Fecit Deus omnia bona. Gen. cap. 1.

DONATISTÆ, à Donato quodam

Aphro nuncupati: qui de Numidia veniens totam penè Aphricam suâ persuasione decepit: asserens minorem Patre Filium, & minorem Filio Spiritum sanctum: & rebaptizans Catholicos.

BONOSIANI, à Bonoso quodam episcopo exorti produntur: qui Christum Filium Dei adoptivum, non proprium asserunt.

CIRCVMCELLIONES, dicti eò quòd agrestes sunt: quos & Scototopitas vocant, supradictæ Hæresis habentes doctrinam. Hi semetipsos amore Martyrij perimunt: vt violenter de hac vita discedentes, Martyres nominentur.

PRISCILLIANISTÆ, à Priscilliano vocati: qui in Hispania ex errore Gnosticorum, & Manichæorum permixtum dogma composuit.

LVCIFERIANI, à Lucifero Smyrnæ episcopo orti, qui episcopos catholicos, (qui Constātij persecutione, perfidię Arianorum

con-

consentientes erant, & postea correpti, redire in catholicam delegerunt) damnantes, siue quòd crediderant: siue quòd se credidisse simulauerant (quos Ecclesia catholica materno recepit sinu, tanquam Petrum post fletum negationis). Hãc illi matris charitatem superbè accipientes, eosque recipere nolentes, à communione recesserunt: & cum ipso Lucifero, authore suo, qui manè oriebatur, cadere meruerunt.

I O V I N I A N I S T Æ, à Iouiniano quodã monacho dicti, asserētes nullam Nuptiarum & Virginum esse distantiam: nullumque inter Abstinentes, & simpliciter epulantes esse discrimen.

H E L V I D I A N I, ab Heluidio nominati: qui dicunt post natum Christum, alios Mariam filios de viro Ioseph peperisse.

P A T E R N I A N I, à Paterno quodam exorti: qui inferiores corporis partes à Diabolo factas opinantur.

A R A B I C I, nuncupati eò quòd in Ara-

bia exorti sunt: dicentes Animā cum corpore mori, atq; in nouissimo vtrūq; resurgere.

TERTVLLIANISTÆ, à Tertulliano presbytero Africanæ prouincię, ciuitatis Carthaginensis: Animam immortalem esse, sed corpoream prædicantes: & Animas hominum peccatorum post mortem in Demones verti putantes.

TESSERESDECADITÆ, dicti quòd Decimā quartā lunā Pascha cum Iudæis obseruandum contendunt. Nam τεσσαρα, quatuor, δέκα Decem significat.

NYCTAGES, à somno nūcupati, quòd vigilias noctis respuant: Superstitionem esse dicentes: iuraq; temerari diuina, quę noctem tribuunt ad requiem.

PELAGIANI, à Pelagio monacho exorti. Hi liberum arbitrium diuinę gratiæ anteponunt, dicentes sufficere voluntatem ad implenda iussa diuina.

NESTORIANI, à Nestorio Constantinopo-

tinopolitano episcopo nuncupati: qui beatam virginem Mariam, non Dei, sed hominis tantummodo asseruit genitricem: vt aliam personam carnis: aliam faceret Deitatis: nec vnū Christū in verbo Dei, & carne credidit: sed separatim atq; seiunctim alterum, Filium Dei: alterum, Hominis, prædicauit.

EVTYCHIANI, dicti ab Eutyche Constantinopolitano abbate: qui Christum, post humanam assumptionem, negauit existere de duabus naturis: sed solam in eo asseruit Diuinam naturam esse.

ACEPHALI, dicti. i. sine capite, quod sequantur Hæretici. Nullus enim eorū reperitur author, à quo exorti sint. Hi triū Calchedonensium capitulorū impugnatores, duarum in Christo substantiarum proprietatem negant, & vnā in eius persona naturam prædicant.

THEODOSIANI, & GAIANTÆ appellati à Theodosio, & Gaiano: qui temporibus Iustiniani principis in Alexandria, populi peruersi electione, vno die

sunt ordinati episcopi. Hi errores Eutychis & Dioscori sequentes, Calchedonense concilium respuunt: ex duabus, vnam in Christo Naturam asserunt. quam Theodosiani, corruptam: Gaianitæ incorruptam contendūt.

AGNOITÆ, & TRITOITÆ, à Theodosianis exorti sunt: ex quibus Agnoitæ ab ignorātia dicti: quia peruersitati, à qua exorti sunt, id adiiciunt: quòd Christi diuinitas ignoret futura, quæ sunt scripta de die & hora nouissima: non recordantes Christi personam in Esaia loquentis. Dies iudicij in corde meo.

Esa. cap. 30.

TRITOITÆ verò vocati, quòd sicut tres personas in Trinitate, ita quòque tres astringunt Deos esse: contra illud quod scriptū est: Audi Israel, Dominus Deus tuus, Deus vnus est.

Deut. cap. 6.

SVNT & aliæ hæreses sine authore, & sine nominibus, ex quibus Aliæ Triformem putant esse Deum: Aliæ Christi diuinitatem passibilem dicunt: Aliæ Christi de Patre natiuitati initium temporis dant: Aliæ liberationem

tionē hominum apud inferos factam Christi descensione non credunt: Aliæ Animam, imaginem Dei negant: Aliæ Animas cōuerti in Dæmones, & in quæcunq; animalia existimant: Aliæ de mundi statu dissentiunt: Aliæ innumerabiles mundos opinātur: Aliæ aquam Deo coëternam faciunt: Aliæ nudis pedibus ambulant: Aliæ cum hominibus non manducant.

HÆ SVNT Hæreses aduersus Catholicam fidem exortæ: & ab Apostolis, & à sanctis Patribus, vel Conciliis prædamnatæ. quæ dum in se multis erroribus diuisæ, inuicē sibi dissentiunt, communi tamen nomine aduersus Ecclesiam Dei conspirant.

SED & quicunque aliter Scripturam sanctam intelligit, quàm sensus Spiritus sancti flagitat, à quo conscripta est: licet de Ecclesia non recesserit, attamen Hæreticus appellari potest.

Hieron. in
cap. 5. ad
Gal.

Q V I N T I N V S
A V D I T O R I B V S.


SI Dei gratia concefferit, in hac hi-
storia prælegenda vobis ostendemus
infælicis aui nostri Prædicâtes (quan-
do iam Dogmatista sic appellari ma-
lunt, quàm Prædicatores: quos ubique per Gno-
sticos intelligi volo) non in sola Gnosticorum
schola doctos fuisse, verum etiam omnes in
universum (quotquot hîc nominantur, & un-
quam fuerunt) Hæreticos habuisse Doctores.
Una siquidem sola sine comite nunquam fuit
Hæresis in homine. Qui reus est unius, om-
nium facile reus peragi potest. Inuicem nempe
nodò nescio quò plus quàm Gordiò connectun-
tur: ut Samsonis vulpes non arctius unà colli-
gate fuerint: quod in Synodo nostra Gangren-
si docebamus. Quæ quidem vulpes dum Philis-
tinorum segetes comburunt (hoc est, in ruinis
ac cinere iacentium sectatorum suorum animas
perdunt) ut simul & ipsæ comburantur, neces-
se est. Ea quòque de causa curauimus adendū
Tertulliani librum, De præscriptionibus aduer-
sus Hæreticos. Unde nos idem quòque disca-
mus, & intelligamus, quod animalis & mon-
stri ge-


*stri genus sit Hereticus. Animalium terrestrium
 (si Plinio credimus) nullum magis variam formam
 gignitur, quam Canis: ut eos differre specie di-
 cas, si corporum respicias inaequalitatem, si cau-
 das non easdem, si capitum, vel aurium, seu
 pilorum diversitatem consideres. Et tamen una
 Canum species est, Laconicorum, Molossorum,
 Melitaorum, & aliorum. Tam sunt Hæreti-
 ci Prædicantes inter se diversi: veruntamen, om-
 nes Canes. à quorum rabidis morsibus Christus
 nos defendat.*


A M E N.

Brinwell va 4

2/25/04







busta 8.

no. 308

v.e

1802888

